

# როგორ დავრგოთ ხე

დავირგავს ოდესმე ხე? თუ ჯერ არ გიწყდია, ეს ტექსტი დაგეხმარება ხის სწორად დარგვაში.

ამბობენ, რომ ხის დარგვა მისი მეორედ დაბადებაა. ამ კეთილი და სასარგებლო საქმის გაკეთებას შენც იოლად შეძლებ. ამისათვის საჭიროა ზუსტად დაიცვა ხის დარგვის წესები. ახალ გარემოში ნერგს გახარება რომ არ გაუჭირდეს, გაეცანი ქვემოთ მოცემულ მითითებებს. იქ **დეტალურად** არის აღწერილი, როგორ უნდა მომზადდეს ნიადაგი ხის დასარგავად. იქვე ნახავ, რომელ სეზონზე ჯობია ხის დარგვა. ასევე გაეცნობი, რა მანძილი უნდა იყოს ნერგებს შორის და სხვ.

## მითითებები:

შეარჩიე ადგილი, სადაც ხის დარგვას აპირებ.

შემდეგ გადახედე რგვის კალენდარს. რგვის კალენდარში წერია, რომელი ხის დარგვა როდის შეიძლება. იცოდე, რომ ნერგად მხოლოდ ორი-სამი წლის ხე გამოდგება. ხე უკეთესია დარგო შემოდგომაზე ყინვის დაწყებამდე. ნერგებს შორის მანძილი ორი მეტრი მაინც დატოვე. ასე ისინი გაზრდაში ერთმანეთს ხელს არ შეუშლიან.

დარგვამდე ერთი-ორი დღით ადრე ჯერ ნიადაგი მორწყე. შემდეგ ამოთხარე ორმო და გააფხვიერე მიწა. გახსოვდეს, ორმო ნერგის ფესვების მოცულობაზე 3-ჯერ ფართო და 2-ჯერ ღრმა უნდა იყოს.

დარგვის წინ დაათვალიერე ნერგი. თუ ფესვის რომელიმე ნაწილი დაზიანებულია,



უნდა მოაცილო. ამით დანარჩენ ნაწილს დაიცავ.

როგორც კი ჩარგავ ნერგს, იგი უნდა გაამაგრო. ამისათვის ორმოს ამოვსებამდე მას უნდა შეუყენო **მყარი** სარი.

ბოლოს, როგორც კი ორმოს მიწით ამოავსებ, ხე აუცილებლად მორწყე.

## დაიმახსოვრე!

თუ ყინვაა, ნორჩი ხის დარგვა არ შეიძლება. ასეთ დროს რამდენიმე წესი უნდა დაიცვა. ჯერ გაამზადე თხრილი. შემდეგ ხე შიგ ჩააწვინე. ბოლოს ფესვები და ტანის ნაწილი მიწით დაუფარე. შეგიძლია მიწის ნაცვლად ქვიშა გამოიყენო. მთავარია, ფოთლოვანმა ხემ მთელი ზამთარი თხრილში გაატაროს. იცოდე, როგორც კი მას **კვირტები** გამოუვა, უნდა გაასწორო, თორემ გახმება.

აბა, წარმატებას გისურვებ ხის ზრდა-გახარებაში!

ხის დარგვის წესებიდან რომელი არის შენთვის უფრო რთული? რატომ?

## ▶▶▶ ტექსტის გაგება

ყოველ შეკითხვას შეურჩიე თითო სწორი პასუხი.

### 1 ტექსტის პირველ აბზაცში მითითებულია:

- ა) რა მანძილით უნდა დავაშოროთ ნერგები ერთმანეთს.
- ბ) რისთვის არის საჭირი ხის დარგვის წესების დაცვა.
- გ) რომელ სეზონზეა უკეთესი ხის დარგვა.

### 2 ორმოს გათხრამდე ორი დღით ადრე:

- ა) ნიადაგი გულდასმით უნდა მორწყო.
- ბ) ნიადაგი კარგად უნდა გააფხვიერო.
- გ) ნიადაგს ქვიშა უნდა დააყარო.

### 3 როგორც კი ორმოში ნერგს ჩარგავ, ჯერ:

- ა) კარგად მორწყე.
- ბ) ორმო მიწით ამოავსე.
- გ) სარით გაამაგრე.

### 4 თუ ყინვის გამო ვერ რგავ ხეს, ჯერ:

- ა) იგი თხრილში უნდა ჩაანვინო.
- ბ) იგი სწორად უნდა დადგა.
- გ) იგი ქვიშით უნდა დაფარო.

### 5 რის შესახებ არ არის საუბარი ტექსტში?

- ა) რა დანიშნულება აქვს რგვის კალენდარს.
- ბ) რამდენი წლის ხის დარგვა შეიძლება.
- გ) როგორ უნდა გააფხვიერო მიწა ხის დარგვამდე.

## ▶▶▶ ლექსიკა

### 1 გაარკვეთ ხაზგასმული სიტყვების მნიშვნელობები.

1. აქ **დეტალურად** არის აღწერილი ხის დარგვის წესები.
  - ა) დაახლოებით.
  - ბ) დანვრილებით.
  - გ) მოკლედ.
2. ამის გაკეთება შენც **იოლად** შეგიძლია.
  - ა) კარგად.
  - ბ) მარტივად.
  - გ) სწრაფად.
3. ხეს შეუყენე **მყარი** სარი.
  - ა) დაბალი.
  - ბ) მაგარი.
  - გ) სწორი.

### 2 შეართე ხაზებით საპირისპირო მნიშვნელობის სიტყვები (ანტონიმები).

|      |        |
|------|--------|
| ადრე | უკან   |
| ნინ  | შემდეგ |
| ახლა | გვიან  |

### 3 რომელია მსგავსი მნიშვნელობის სიტყვები (სინონიმები)?

- ა) კეთილი — ბოროტი.
- ბ) ნორჩი — ახალამოსული.
- გ) ფართო — ვიწრო.

## ▶▶▶ ბრამატიკა

### 1 დაწერე ფრჩხილებში ჩასმული სიტყვა სწორი ფორმით.

მე არაფერი ვიცოდი რგვის (კალენდარი) ----- შესახებ.

### 2 წინადადებებში სწორად ჩასვი გამოტოვებული სიტყვები.

1. ფესვები უნდა დაიცვა ----- . (დაზიანებიდან / დაზიანებისაგან)
2. ----- მითითებების დაცვა აუცილებელია. (მოცემულ / მოცემული)

### 3 დაწერე მრავლობით რიცხვში.

ხე — -----

საქმე — -----

დღე — -----

მცენარე — -----

**გრამატიკა**

**4** იპოვე შეცდომები და აღნიშნე X-ით.

- |                                               |                                          |
|-----------------------------------------------|------------------------------------------|
| <input checked="" type="checkbox"/> ერთიორი.  | <input type="checkbox"/> ერთი-ორი.       |
| 1. <input type="checkbox"/> ნაცვლად.          | <input type="checkbox"/> ნაცვლათ.        |
| 2. <input type="checkbox"/> რამდენიმე წესები. | <input type="checkbox"/> რამდენიმე წესი. |
| 3. <input type="checkbox"/> მეორედ.           | <input type="checkbox"/> მეორეთ.         |
| 4. <input type="checkbox"/> სველ ქვიშით.      | <input type="checkbox"/> სველი ქვიშით.   |

**5** დაწერე ნიმუშის მიხედვით.

*ნიმუში: ის, რაც მომზადდა, არის მომზადებული.*

1. ის, რაც დაიწყო, არის ----- . 2. ის, რაც მიუთითეს, არის ----- .

**წერა**

წარმოიდგინე, რომ მეგობარმა გთხოვა ურჩიო, როგორ დარგოს ფოთლოვანი ხე. დაუწერე ხის დარგვის წესები. ყოველი ნაბიჯი ჩამოაყალიბე მოკლედ. გააფორმე შენი ნამუშევარი ნახატებით.

|                                                               |                                                                             |                         |                         |
|---------------------------------------------------------------|-----------------------------------------------------------------------------|-------------------------|-------------------------|
| <p><b>ნაბიჯი 1.</b></p> <p>შეარჩიე ადგილი ხის დასარგავად.</p> | <p><b>ნაბიჯი 2.</b></p> <p>რგვის კალენდრის მიხედვით სწორად შეარჩიე დრო.</p> | <p><b>ნაბიჯი 3.</b></p> | <p><b>ნაბიჯი 4.</b></p> |
| <p><b>ნაბიჯი 5.</b></p>                                       | <p><b>ნაბიჯი 6.</b></p>                                                     | <p><b>ნაბიჯი 7.</b></p> | <p><b>ნაბიჯი 8.</b></p> |